

strum communem patriam fuisse, facili ex hac ratione probari poterit negotio, quia supra dictus Dominus VITVS de et à Schoenburg - Glauchau, vt M. Schmidius, (*) chronicus annaliumque Zwiccauiensium auctor, rem gestam breuiter exponit, ciuitatis ibidem *Capitaneus* erat; quae loci, temporis ceterarumque rerum huc facientium circumstantiae multa ē tenebris eruunt et historiae patriae lucem affundunt.

Credo ergo nullos fore, qui hoc genus scripturæ leue et non satis dignum VIRO MAXIME REVERENDO, TE nimirum, judicent, cum relatum legent *Conradum* à Kauf fung, *Eisenbergensem*, et *Guilielnum* à Tettau, *Schwarzengensem* ad *Sturnicum* flumen, (**) cuius arcis genealogiaeque Tettauiensis lineamenta prima non ita pridem in peculiari duxi scripto, (***) testium vices hic sustinere, admirantes sane degregio, in omni historia rerum antiquarum earundemque diplomaticarum usu.

Plura jam in medium proferre, et quae ad utilitatem pertinent reipublicæ ex his diplomatis ad oculum lecturis demonstrare, opus mihi non putaui: TIBI enim, VIRO ANTI QVARIO, reique diplomatariae studiosissimo, haec omnia eum quidem in finem exhibeo, ut historiae, praecipue vero patriæ in finibus *Schoenburgicis*, incremento his ipsis consulas. Poteris enim, nisi digneris et laboris molestias subterfugere velis. Diu multumque, vt in scientiis, quae maxime ad TE spectant, theologicis, ita et in omni re philologica tam sacra, quam profana, (immo vero slauica nostra, quae alii neque teruncii faciunt, magni aestimasti studia) seriis jucunda miscendo, desudasti, quae qui-

*) P.I.p. 215 - 232. (**) e.I.p. 153. non Scorla et p. 239. (***) Schneeburg. 1758. 8. collat. histor. nov. ant. J. Paul. Oettelii, Eybenstoc. ibid. 4. 1748. pag. 164.